

Ick was gheleden heueste die pijn  
 des cruces op dat ick confusie versma-  
 dede en in dy hadde alle dinghen  
 vullenbrocht. ghelikerwijs alstu  
 in eenre offerhande des gheestes en  
 dijns lichames alle hillighen in  
 een heueste vergaddert. **Aldus** heue-  
 stu alle wtuercoernen vergaddert.  
**O** alre ghenyndeeste here wil in my  
 endighen om dijnen bitteren doet  
 al dat dijnen hillighen wille contra-  
 rie is. op dat ick inden loep deser te-  
 ghenwoerdigher ellende salichlike  
 mach endighen en inden eynde myn  
 leuens mijn gheest moeghe beuele  
 in dijnen handen. **O** guede **Jesu** my  
 sekere toelucht die hebbe ick geset  
 in dy in leuen en in steruen. het sy  
 voerspoet of wederspoet. **Ick** beue-  
 le mijnen gheest in dijnen hande.  
**O** here in dijnen handen beuele  
 ick mijnen gheest. **Die** hant dijne